



16. april 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Sakkut pillugit inatsisip sukaternissaanut nassuiaat sumut killippa, taamaasiornikkut inunnut ulorianartumik sakkut atorlugit pinerluttuliortarnerit millisikkumallugit aamma aallartoortarnerit ikilisikkumallugit, soorlu Inatsisartut 2011-mi upernaakkut ataatsimiinnerminni aalajangeraat, Naalakkersuisut tamatumannaq suliakkerneqassasut ?
(Inatsisartunut ilaasortaq Justus Hansen, Demokraatit)

Tunnngavilersuut:

Inatsisartut 2011-mi Upernaakkut ataatsimiinnerminni aalajangerpaat UPA2010/45-mut allannguutissatut siunnersuut:

” Pinerlunnikkut inunnut navianartumik sakkunik atornerluisarneq aallartoornikkullu ajunaartarnerit ikilisinniarlugit sakkut pillugit inatsisip sutigut sukannernerulersinneqarnissaa pillugu nassuiaammik Naalakkersuisut kingusinnerpaamik 2011-imi ukiakkut ataatsimiinnermi saqqummiussisussanngorlugit suliasinneqarnissaat pillugu Inatsisartut aalajangiiffigisassaattut siunnersuut. Nunatsinni aallaasit qanoq atornerqartarnerat qanorlu amerlassuseqarnerat pillugu misissuineramik aamma sakkut pillugit inatsisip sukannernerulersinnissaannut innuttaasut isumaat aamma suliamut soqutigisallit isumaat ilanngullugit nassuiaat imaqassaaq.”

Kalaallisuaani naluneqanngitsutut najoqqutarineqartussami allassimavoq, nassuiaat aatsaat 2012-mi Upernaakkut ataatsimiinnermi saqqummiunneqassasoq:

”Pinerlunnikkut inunnut navianartumik sakkunik atornerluisarneq aallartoornikkullu ajunaartarnerit ikilisinniarlugit sakkut pillugit inatsisip sutigut sukannernerulersinneqarnissaa pillugu nassuiaammik Naalakkersuisut kingusinnerpaamik 2012-imi upernaakkut ataatsimiinnermi saqqummiussisussanngorlugit suliasinneqarnissaat pillugu Inatsisartut aalajangiiffigisassaattut siunnersuut. Nunatsinni aallaasit qanoq atornerqartarnerat qanorlu amerlassuseqarnerat pillugu misissuineramik aamma sakkut pillugit inatsisip sukannernerulersinnissaannut innuttaasut isumaat aamma suliamut soqutigisallit isumaat ilanngullugit nassuiaat imaqassaaq.”

2012-mi Upernaakkut ataatsimiinnissamut atatillugu ullormut oqaluuserisassat aalajangersarallarneqarneranni takuneqarsinnaanngilaq, nassuiaat ilanngunneqarsimanersoq. Tassunga pissutaasut arlaliusinnaapput tamannalu tunnngavigalugu qinnutigissavara nassuiaqqullugu Naalakkersusiut nalunaarusiornerminni sumut killissimanersut.

Apeqquqtit akeqquneqarput piffissarititaasut ullut suliffiit naliginnaasut qulit iluanni.